

Message Two

Kārai Hte Seng Ai Sumtsaw Sumra Lam Hta Asak Hkrung Ai A Mārang E Kārai Hte Seng Ai Māsum Lāngai Mābyin A Kārai Hte Seng Ai Kāran Kāchyan Lam Hpe Hkrum Kādup Hkam Sha Ai Lam

htina chyumdaw; - Rom. 5:5, 8:35, 39, 15:30, Ehp. 3:14, Mhk. 1:2-3, 3:6, 4:7, 15, 6:4.

- I. Tengman ai Chyum laika gaw ninggawn tawa hte seng ai yu run—la nnan hku nna Hkristu hta Kārai Kāsang hte num nnan hku nna Kārai Kāsang a hkrang shaw la hkrum ai ni a hprow san tsawm dik ai hte chyoi pra dik ai, myit māju hkam sha lam nga ai sumtsaw sumra lam rai nga ai—Yhn. 3:29, Mat. 25:6, Shr. 19:7, 21:2, 22:17.**
- A. Tsa ban lāhkawng hta Kārai Kāsang gaw māsha law law hte rau sumtsaw sumra lam lāngai nga ai. Mādu gaw ningrum ningtau lāngai lu na mātu yaw shāda nna māsha hpe hpan tawn da wu ai—kāji 17.
- B. Kārai Kāsang gaw sumtsaw lāngai rai nna, Mādu gaw sumtsaw lāngai hku nna shi hkum nan a hkrang nsam hta māsha hpe hpan tawn da wu ai. Tsun māyu ai gaw māsha gaw Mādu hpe tsawra na mātu, Mādu gaw māsha hpe hpan tawn da ai ngu tsun māyu ai—Mrk. 12:30, Ehp. 3:14-19.
- C. Tengman ai Chyum laika buk ting gaw Kārai hte seng ai sumtsaw sumra lam rai nhtawm, Shawlumon a māhkawn ga gaw ndai sumtsaw sumra lam a ginchyum hkrang rai nga ai—1:2-3, 8:14.
1. Tengman ai Chyum laika gaw tsawra hpa laika lāngai rai nna, Mādu Kārai hte mātut māhkai ai lam gaw grau grau nna tsawra hpa byin wa na rai nga ai—Mhk. 4:7.
 2. Lāma na anhtē hte Mādu Yēsu a lāpran hta sumtsaw sumra lam nnga ai rai yang anhtē gaw tsawra ai Hkritisai ni nre sha, nawku htung lai hkrang Hkristan ni rai nga ga ai—1:2-3.
 3. Ntsa lam hku nna tengman ai Chyum laika gaw Kārai hte seng nna kāsawt ai lam a ga si rai nga ai. Kārai Kāsang gaw anhtē a tsawra myit hpe tam nga ai lam tengman ai Chyum laika hta anhtē mu lu ai—2Kor. 11:2.
- D. Lāma na anhtē gaw Kārai Kāsang hta kāsawt ai ga hpe hkang zing māyu ai rai yang, anhtē gaw Mādu a mātu māchyī ai tsawra myit hte nhkring nsa bai htang ai lam hpe ra nga ai. Ndai zawn nhkring nsa bai htang ai lam, māchyī hkam sha ai tsawra myit hpe tsaw ra ai wa hte shi a tsawra ai wa a lāpran na tsawra myit hpe mādun dan ai Shawlumon a māhkawn ga hta tsun da ai—1:2-4, 2Kor. 5:14-15, Yhn. 14:21, 23.
1. Shawlumon a māhkawn ga a lawng lam ni gaw lāngai hkrai hte seng ai kamsham ai ni gaw Hkristu hte rau tsawra kānawn māzum ai lam a rawt jat wa ai māhkrum mādup hpe hpaw hpyan ai lam rai nga ai grai kāja dik ai hkungran lam hta tsawra myit a lābau lam rai nga ai—1:2.
 2. Shawlumon a māhkawn ga gaw la nnan Hkristu hte Mādu a num nnan ngu ai shi tsawra ai wa a lāpran na A lu ai hte seng ai tsawra myit a ga shāgawp hkrang hta mauhpa lam, tu kābrim ai hkrang sumla lāngai rai nga ai—2:4, 6:3, 7:11-12, 8:5-6, 14.

II. Shawlumon a mähkawn ga hta anhtē gaw Kārai hte seng ai kāran kächyan ya lam a mähkrum mädup hte Kārai hte seng ai sumtsaw sumra lam hta asak hkrung ai läpran na mätut mähkai ai lam hpe mu lu ai.

- A. Lāma na anhtē gaw Mädu Kārai hpe kāja wa tsawra ai rai yang anhtē gaw asak hta kāba wa ai lam nga nhtawm hkrang nsam gälai shai lam kāja wa nga wa na rai nga ai—2Kor. 5:14-15, 3:18.
- B. Shawlumon a mähkawn ga hta rawng ai tam ai wa gaw shi tsawra ai wa hpe grai tsawra ai mājaw numsha gaw Kārai hte seng ai kāran kächyan ya lam hpe hkrum kädup hkam sha nhtawm, asak hta numsha kāba wa ai gaw nsim nsam gälai shai lam nga nga ai—1:2-3, 4b, 9, 12, 15, 2:2, 14, 3:6-7, 12-15, 6:4, 10, 13a.
- C. Tsawra ai wa gaw shi a myit mäsın mahkra, shi a mäbyin mahkra hpe shāra la kau ai, zing la kau ai lam hte mädu la kau ai lam hpe hkam ra nna—1Tim. 6:10-11, 2Tim. 3:2-4, 4:8, 10a, Tit. 1:8.
1. “Kārai Kāsang hpe tsawra ai gaw anhtē a mäbyin mahkra—wēnyi, myit hte hkumhkrang hte rau myit mäsın, myit, nyan hte n-gun atsam (Mrk. 12:30) mahkra hpe Mädu hta tawn da ai lam rai nga ai. Dai gaw anhtē a mäbyin mahkra hpe Mädu a mārang e zing mädu la na ahkang jaw da nna, Mädu hta lup mat ai lam rai nga ai. Shing rai yang she Mädu gaw anhtē a mätu yawng mäyawng byin wa nhtawm, anhtē gaw anhtē a shāni shāgu asak hkrung lam hta tatut hkrak Mädu hte lāngai sha byin wa ga ai” (1Kor. 2:9 a mätsing 3).
 2. Mädu Yēsu hpe tsawra na mätu gaw Mädu hpe mänu shādan na mätu, anhtē a mäbyin hpe Mädu hpanng de man yawng na mätu, Mädu hpanng de hpaw ya na mätu, Mädu hpe asak hkrung na mätu hte Mädu byin wa na mätu rai nga ai—Mat. 26:6-13, 2Kor. 3:16, Mrk. 12:30, Kol. 1:18, 1Kor. 6:7, Hpil. 1:20-21, Mähkawn (E) 477. Daw lähkawng.

III. Tirza hte Yerusalem gaw Kārai Kāsang a chyoi pra ai shāra, Kārai Kāsang shānu ai shāra, shim lum ai mākawp ni hte shinggrup da ai Kārai Kāsang a märe hpe shingdaw ai lam rai nga ai.

- A. Hkristu a tsawra ai ni gaw Kārai Kāsang a shānu shāra tai na mätu, Kārai Kāsang hte rau lāngai sha byin wa ai shāloi, Kārai Kāsang a ningmu hta Tirza zawn tsawm htap nna, Yerusalem zawn tsawra hpa rai nga ai.
- B. Bai hkrung rawt ai lam hta Hkristu a hkrung rawt lung ai lam gaw numsha a asak hkrung ai kaw nna Hkristu a tsawra ai wa gaw Kārai Kāsang a chyoi pra ai shāra hte dai shāra a mākawp byin wa na rai nga ai— (Mädun; Nin. 2:8-12, 18-24, 1Kor. 3:9-12).
- C. Hkristu a tsawra ai wa gaw chyoi pra dik ai shāra, sumsing hte seng ai chyoi pra ai shāra a kätä gawk, nba grang a kätä hta shānu nga nhtawm, Mädu a bai hkrung rawt ai lam hpe hkrum kädup hkam sha ai hpanng, wudang kaw nna Hkristu a hkrung rawt ai lam hpe hkrum kädup hkam sha nga ra ai—Mhk. 4:8.
- D. Kāja dik ai tsawra myit hte Mädu hpe tsawra ai a mārang e anhtē gaw Mädu a shānu shāra byin wa na mätu mäsum lāngai Kārai a kätä de gāyau gumhpawn mätut mat wa ai—Shr. 2:4, Yhn. 14:20-21, 23, Ehp. 3:17.

1. Mădu hpe anhtē hte pawng gumhpawn na mătu, găyau na mătu hte gumhpawn na mătu myit măda lam hpe jaw ai Kărai Kăsang hta nga ai tsawra myit rai nga ai. Anhtē hta nga ai dai bung ai tsawra myit gaw anhtē hpe Mădu hte gumhpawn na mătu, găyau na mătu hte gumhpawn mat na mătu myit măda lam hpe byin shăngun ai rai nga ai—1Yhn. 4:19, 8, 16.
 2. Kăja dik ai tsawra myit hte Mădu Kărai hpe tsawra nna, Kărai hte seng ai sumtsaw sumra lam a hkrang nsam shăgu hta shang lawm kănawn ai a mărang e anhtē gaw chyoi pra dik ai shăra a kăba dam lăda ai lam rai nga ai Yerusalem märe nnan byin wa ga ai—Mhk. 1:2-3, 2:14, 4:8, 6:4, Shr. 21:9-10.
- E. Kărai Kăsang a chyoi pra ai shăra byin wa na mătu ngu ai gaw Hkristu asak a htum ngu nnga ai sutsu ai lam hte rau kung hpan ai lam de kăba wa ai lam hta gawgap hkam na mătu (Hkristu a hkumhkrang gawgap ai lam hte mătut măhkai ai lam) rai nga ai—Ehp. 4:12-16.
1. Ga shăka dingsa hta Kărai Kăsang a gawgap ai lam hpe Tirza märe hte Yerusalem märe hku nna shingdaw da nna, ga shăka ningnan hta ndai gawgap ai lam gaw Hkristu a sak hkrung ai hkumhkrang rai nga ai—Kăji 16.
 2. Hkumhkrang hpe gawgap ai lam gaw asak hte seng ai lam rai nna, asak hta anhtē a kăba wa ai lam hte kunghpan ai lam hta mädung rai nga ai—Ehp. 4:15.
 3. Jăhtum hku nna Hkristu a num nnan (5:25-32) rai nga ai asak hte seng ai Hkristu a hkumhkrang gawgap ai lam gaw Kărai Kăsang hte Mădu a hkrang shaw la hkrum ai htani htana prat lădaw hta shăda da shănu shăra byin wa ai chyoi pra dik ai shăra a ngut kre hpring tsup ai lam ngu ai chyoi pra ai märe, Yerusalem märe nnan hta ngut kre hpring tsup wa na rai nga ai—shr. 21:2-3, 16, 22.

IV. Hkristu a asak a kung kyang ai lam hta Hkristu a tsawra ai wa gaw Shulami byin wa nna, shanhtē hkungran na mătu Hkristu a bai shăpyaw ya ai lam hte hkrang bung byin wa ai lam hpe shingdaw ai—Mhk. 6:13.

- A. Tengman ai Chyum laika hta Kărai Kăsang a yaw shăda ai lam gaw shi hkum nan hpe anhtē hte lăngai sha tai na mătu hte anhtē hpe Mădu hte lăngai sha byin shăngun na mătu—nawku hkam na baw shăra hta nre sha, asak hte măbyin măsa lam hta lăngai sha byin wa na mătu re lam anhtē hpe kăhtap nna tsun da ai.
- B. Kărai hte seng ai ai hpaw hpyan lam a ndung jāhtum de găra hku du ra na hpe anhtē myit sawn sumru yu ai shăloi,—Kărai Kăsang gaw măsha byin wa ai lam gaw măsha hpe asak hte măbyin măsa hta byin na mătu—anhtē gaw tinang hkum hpe kam sham ai lam nnga ai sha, anhtē hpe n-gaw n-wai tsawra myit ngu ai Mădu Kărai hta shămyet shănat lu ai—Mhk. 8:5-6.